

嘉興
文獻
叢書

擇石齋詩集

擇石齋文集

(下)

〔清〕錢載撰

丁小明整理

上海古籍出版社



擇石齋詩集

擇石齋文集

(下)

〔清〕錢 載 撰

丁小明 整理

上海古籍出版社

擇石齋詩集卷第三十四

秀水 錢 載 坤一

題劉文靖公屏山集

先生誠樂道，抒寫何清雄。蓋有用世才，而多靜退風。既歸主沖佑，遂自號病翁。家園緬潭溪，一十七年中。蚤孤朱氏子，灑掃及成童。字之祝曾顏，聖傳以無窮。流涕表墓文，老矣述先公。莫報父與師，尚難罄其衷。

題馮少司農小影卷子

夢堂君自號，聞聲年復年。我年行六十，相見各忻然。宦遊早南國，句在佳山川。農官晚感知，鵠立直講筵。小身偶倩寫，見於梅花前。數竿綠竹亞，千尺喬松連。照之水澄川，仰焉月在天。而人于其間，適與相周旋。老來詩更好，清稟君獨全。我且問梅花，試茗分山泉。

姚秋曹寓堂分賦之題，曹中允盡賦之，遂如數以和而存其二

煮雪

可待消爲水，旋教試以茶。山泉應不後，《煎茶水記》雪水第二十。風味殆無加。折腳鑪燒葉，穿心罐汎花。一甌春自暖，簾外又蜂衙。

堆雪

掃地番番積，和冰疊疊寒。先將高樹擁，暫作假山看。團起玉獅子，雕空火判官。即非上元近，竹爆劇生歡。

題僧永聞《爲母櫛髮圖》

墨者夷之厚葬親，降衷厥有墨亦人。治岐政遙老逮佛，天若收養四者民。攜孤捨寺彼何好，乞食聊活無家身。告子雖如鬪畬頃，與孃直是齋僧因。有兒有兒髡則僧，母坐背僧

鬢如銀。跪僧于後櫛母髮，一梳半梳蕭蕭勻。兒雖無髮母則真，母尚有髮櫛且頻。佛當見之笑不嗔，是中有性繫大倫。楊墨之歸皆可仁，佛老之人初以貧。焉得世無一兒貧，在家奉母髻髻新。

飲蘇米齋，是銷寒第三會，以同人姓惟陸秋曹仄聲，限陸字成五言

仄體

凍雪緩驢車，明燈喧竹屋。才非大歷錢，坐有東吳陸。九九候占三，林林香動谷。諸君酒畔心，遠與春相逐。

集散木菴，嚴侍讀已買得鞏忠烈公兩玉印，出觀，復爲歌之

秦遊臺金歸豈多，急此恐誤他人磨。昨爲言之今已得，激昂使我成悲歌。我歌直爲鞏永固，我悲不獨鞏永固。茫茫天地忠義人，舊物流傳孰如故。大江月照揚州城，中有樂安玉印明。明年君歸攜此行，兩印百年猶在京。問何去去江南程，玉雖有字曾無聲。願君與購貴主印，後先漂轉重合并。香檀作匣蓋刻銘，志趣差同號與名。夫婦于人本不輕，況其

家國關死生。

雪夜集陸秋曹元寄廬，出觀文裕公玉舜詩墨蹟卷，疊至累十首。

玉舜，白槿花也。公題之爲玉舜云，遂次韻

本來佩玉比同車，欲賦翻愁鬢已華。君子國方明夜雪，山香曲任墜秋霞。侍郎斐句珠連琲，憲部蕭窗月照沙。榮落雖齊顏狀別，孟姜應不讓無瑕。

癸巳

端範堂賦

齋宿更番夢亦安，迎春即漸氣猶寒。掃除薜院供連步，裁翦花林待好看。天意屢豐重降雪，聖人元日以升壇。捷書僂指來巴徼，凱入都城萬井歡。

散木菴茶話

菴前有木木無陰，木上惟聞啄木音。人日敬之逢國忌，天風聊以盍朋簪。昭文鼓亦龍鍾罷，定武瓷還雀舌斟。排日看春春是閏，三旬不換億黃金。

題程選部三長物齋

三長物者，懷仁集右軍書宋搨本、吾郡項子京所曾藏蘇文忠東

井硯、明宣德龍香御墨及羅小華以後諸家所造墨。

借宅朱公豈定居，君房師今安徽朱學使。笑人題額照春初。田園別後黃金盡，科第成來白髮疎。六尺簞旁真富有，五經笥外太紛如。愁他硯墨隨佳刻，只是先生不善書。

上元夜集曹中允齋

深坐屏山看掩扉，紅燈也自護芳菲。不教剪剪風頻起，渾忘團團月稍微。羣戲兒猶擲鼓去，小家女定走橋歸。昇平博得衰年樂，已換淋漓舊酒衣。

集姚秋曹寓堂

小南城近數歸鴉，白玉池迴遣駐車。官裏光陰閒幾輩，臘前風雪醉君家。游韉覓共春天句，畫榼看多閏月花。爲樂及時聞自古，即非秉燭本無涯。

題吳州牧

璜

《蘇門聽泉圖》

畫時爲衍輝書院院長

颯颯天風吹嘯臺，猗猗修竹入雲栽。百門泉落層峯遶，安樂窩臨獨客來。洛下臯比分講席，江南桑苧試茶杯。冥心直會超然意，阮籍何嘗是儻才。

花朝雪，集蘇米齋，限雪字

御園曝直散，海淀朋尊設。已向作花朝，且當賞春雪。
先飲于夢堂小墅。重城鞭馬遲，晚巷投君切。何以近招邀，于焉復羅列。閏將三月俟，嘿對百花說。風淺差不寒，雪輕頗相潔。夜景接碧虛，簷端罷飄瞥。此時沙水閒，遍有草芽茁。

次韻馮少司農《舊養盆梅初花》

不記唐花隔歲因，未枯今是適然身。也蒙水澤多加意，纔及陽和自見真。林外分明入窗月，座閒老大出山人。石臺風峭凌晨供，博得誰來句更新。

次韻馮少司農《春雪》

天知春閨尚多雪，人伴老梅方好顏。麥隴況催民氣樂，草堂翻肯酒尊慳。東風鄰巷白猶白，南淀水雲斑復斑。贏得鳳城傳句入，玉花不謂此翁寒。

送張太守鳳孫之任滇南

同徵好夜會三人，申光祿招同太守飲。難得雙燈照百巡。白石青松商結夏，碧雞金馬又班春。詩歌早已通于政，禮教仍煩及我民。山色范村多老計，有漁航處可垂綸。

清明後一日，蔣少司農招集文肅公賜第北臺，馮少司農有《望積水

潭一帶柳色》之作，次其韻

似我何由鬢雪銷，看伊臨水又垂條。山光城上愁風雨，人影欄前泥管簫。高會也知三月僅，故情難忘十年饒。不須跨馬穿陰去，更遣嘶風蹋絮驕。

飲馮少司農檀欒草堂前海棠下賦

丁子香中傍碧紗，川紅名好屬君家。非關老去耽于酒，直爲年來對此花。半樹夕陽憐不足，滿庭朝雨畫無加。相留只合停歸騎，點與銀燈坐影斜。

沈太守維基寓居法源寺，招看海棠，飲其齋

官冷惟誇與寺鄰，君來也得及花辰。算將四紀曾同榜，話若三生豈後身。夢裏浙西山不斷，佛前薊北酒還頻。何妨白髮臙脂朶，采摘相看插鬢新。

城南修禊詩二首

右安近可出，緩轡輪無馳。我亦信所如，僕猶問何之。豈曰汎流水，祓除重及茲。煙
垞被宿雨，村落明芳蕤。草橋瀉萬泉，上下深于陂。疏鑿蒙帝力，來觀方得知。職閒性頗
適，歲登物各嬉。因是向春風，手拏莫誰貽。

周甲已踰六，閏三月四經。

載生康熙戊子九月，是歲閏三月。

柳陰望南岸，禊事在西泠。

丙寅

閏三月三日，杭人邀集西湖效蘭亭體賦詩。

勿勿廿幾春，閏三語復聆。諸孫幼隨侍，成此兩鬢星。小

水碧多光，遙山煖欲冥。乃瞻翁家歸，不使越酒停。時序皆足欣，非徒忘其形。好風一客
醉，雜坐羣公醒。

曹公卿

學閔

招看法源寺海棠，設齋，晚過徐太守良寮西寓居飲

紅棠西寺好枝柯，日日來看不厭多。春色況于光祿最，花陰其奈太常何。有情菩薩暫
持戒，落日接離仍唱歌。匡匡如巢問徐老，頻年此地即行窩。

奉題座主贈尚書鄒公爲侍御夢臯山水小幅遺墨

祝釐赴闕乍踰冬，八十七翁新病容。歸好緩移春水舫，夢長俄破曉天鐘。畫留同姓臨分頃，哭憶先師閒出蹤。無錫山光挈樽榼，幾時淚灑墓門松。

同人法源寺分詠，得海棠

花即扉頻叩，春曾句幾傳。佛香深與染，人意老爲顛。碧蘚齊鋪院，高槐半冪煙。如何禁愛惜，落片到蘭前。

靜宜園曉直，飯于馮少司農山舍

沿山急雨天光澹，策馬長風樹影疎。瑣闥翠微人立迴，繚垣紅萼鳥飛初。廊陰滴響寒生體，磴道穿流濕在裾。有頃巖凹趨且散，炊煙一縷問村居。

送別嚴侍讀 長明

閨春春駐又闌春，踽踽憂歸問去津。
掌誥十年曾不達，收書萬卷竟非貧。
心依屋角鍾山老，手種墳頭柏樹新。
文會城南猶寡侶，奈何先托寄將頻。

質郡王畫綠牡丹并題，陳秋曹朗持示，屬次韻題

三十三天天蔚藍，一枝初剪許人看。
郭崇矩嘗畫剪牡丹。本來歐碧壓穠艷，何似鞞紅當峭寒。
西苑露光南苑露，金鈎欄影玉鈎欄。
都緣供作昇平曲，於幅之上方竝得瞻諸皇子皇孫所題。
花外新絃不住彈。

右安門外小圃偕程選部翁學使曹中允

歡言出西郭，移目獨相違。
露畹蘭叢敗，風池藕葉稀。
是情皆近幻，何化不終歸。
柳上蟬初蛻，催人著紵衣。
時余第五孫善初夭甫踰旬。

哭第五孫

十八回圓月，天青月又斜。玉環呼乳母，便即返羊家。

善初天以四月廿三日，明夕夢于其兄，云

「去李家也」。

蔣農部榮昌招入法源寺避暑設齋

雙樹晝生陰，名流坐向深。外間河朔讌，此味涅槃心。老蘚穿牆水，微颺下砌禽。同龕彌勒可，笑我已無今。

圖塞里學士野圃同程選部翁學使曹參議

又築平臺接小樓，天青目極使銷憂。開河乍下諸山水，殖穀齊登兩岸秋。蘚壁有題行且讀，松醪參醉卧還酬。輓轡汲井添方沼，難得蓮花已過頭。

爲陳秋曹朗題其曾祖虞山逸叟

澳《湘江圖》粉本

畫稿橫看丈二餘，百年神物何蕭疎。
長沙城西雪後雪，回雁峯陰漁父漁。
老墨盡圖《水經注》，寒林舊在虞山居。
爲告賢孫王繹語，宣和似此也嘗儲。

再哭善初

病多亦復起連番，隔牖常時與笑喧。
仙李不知居某郡，石麟須記是吾孫。
庸醫既誤難追咎，老淚雖乾尚忍言。
歷夏盡秋詩思斷，世閒安得少煩冤。

內閣曉坐

簾靜初陽透，爐溫側坐深。
臣難浩然氣，上有一哉心。
乾隆九年賜「調和元氣」四字額，恭縣于
擬票批紅掌，參知鑷白臨。
被蒙何以報，豈敢戀華簪。

甲午

奉題質郡王畫卷

涼生風落石庭虛，靜寄軒中滌硯初。衆史俱來圖十二，天機獨造致清疎。早聞設有嘉賓醴，比想藏多善本書。老樹臨江遠山隔，當年懶瓚意何如。

小庭桃樹作花，翁編修

方綱

朱編修

筠

曹贊善

仁虎

程選部

晉芳

姚秋

曹

鼎

過飲，翁編修有詩竝及余正月以來爲丁辛老屋、厚石齋編

次遺集，奉答二首

忽忽春正罷客杯，家山人急訃音來。

從叔祖太傅公以正月七日薨于里第。

已教淚眼兼旬濕，何

取花枝滿院開。生理自尋還共對，韶光相借亦頻催。榆錢柳絮城門外，又見清明上塚回。

桃樹出牆秋復春，春風吹老種桃身。孤燈幾夜看遺稿，小縣當年有俊人。癡絕尚奢千

古望，落然誰了一生因。神仙官府文章伯，爛醉花陰始是真。

劉文正公挽詞二首

乙巳迴思切，迢遙仰止崇。南歸家太傅，冬夜說明公。教習壬申見，編摩丙戌充。本朝文獻續，所考詎能同。

內閣纔趨直，中堂數與言。寧須到衣食，頗已及兒孫。一旦超然返，千秋大者存。哭私吾豈敢，寂莫向乾坤。

清明後四日，蔣少司農招集北臺，感懷劉文定公裴文達公

依然隄樹遶臺新，笑我臺端作酒人。去歲簪裾儼分坐，今朝心眼豈迷因。黃粱熟後難重夢，杜宇啼來又一春。僥倖天公乞斜照，有花枝處便鋪茵。

翁編修方綱購得吳興施元之吳郡顧景蕃《註東坡先生詩》宋槧本，

即宋中丞得之常熟毛氏者，屬題二首

嘉泰蘇詩缺未湮，商邱補注刻重新。頭銜在昔雖嘗轉，元之、子宿增注而刻者。面目于今